

Ramsey County Kev Siv Lwm Txoj Hau Kev Coj Los Txiav Txim Rau Cov Hluas Tsab Ntawv Qhia Txog Lub Hom Phiaj, Lub Ntsiab thiab Cov Kev Ua Raws

Lub Hom Phiaj

Tsim kom muaj kev nyab xeeb hauv zej zog thiab muaj tej yam zoo ntev mus rau cov tub ntxhais hluas uas raug kaw nyob hauv cheeb tsam Ramsey County los ntawm kev:

- Txo kom txhob muaj tub ntxhais hluas coob coob nyob ua ke rau hauv lub nkuaj kaw neeg tswj nruj;
- Txwv kom txhob muaj kev kaw ib ob hom neeg heev tshaj lwm hom nyob rau hauv lub nkuaj kaw neeg tswj nruj;
- Txhim kho tau cov kev pab uas muaj rau cov tub ntxhais hluas uas raug kaw;
- Tsim lwm txoj kev uas zoo thiab pab tau rau cov tub ntxhais hluas uas tsis tsim nyog muab tso rau hauv lub nkuaj kaw neeg tswj nruj.

Lub Ntsiab Ntawm Kev Kaw Neeg Tswj Nruj

Raws li kev ntsuas tau los ntawm Cheeb Tsam Ramsey County Kev Ntsuas Raws Cwj Pwm (RAI), Ramsey County yuav siv kev kaw neeg tswj nruj rau cov tub ntxhais hluas uas tau ua txhaum cai thiab coj tau cwj pwm uas zoo li lawv yuav:

- rov qab ua txhaum dua ua ntej txog hnub teem mus nram tsev hais plaub, los sis
- tsis tuaj rau hauv tsev hais plaub.

Cov Kev Ua Raws

Lub tseem ntsiab ntawm kev txiav txim rau cov tub ntxhais hluas yog kom qhia tau rau lawv paub txog kev nyab xeeb hauv zej zog thiab kom txo tau tub ntxhais hluas kev ua txhaum cai los ntawm kev tsim lub luag hauj lwm rau txhua tus tuav thiab kom nyias paub txog nyias lub luag haujlwm. Cov kev yuav ua no yuav tsum yog siv kev ncaj, kev haum thiab kev uas pom txog tias txhua tus tub ntxhais hluas nyias txawv nyias cwj pwm thiab teeb meem.

Tub ntxhais hluas uas tau ua dhau ib txoj cai lawm yuav tsum tau raug nws lub txim. Txawm li ntawv los, tau muaj kev pom lawm tias yog rau txim tsis muaj kev kawm ces lawv tseem haj yam tsis zoo tshaj qhov qub xwb thiab poob nyiaj se ntau nrog rau kev nyab xeeb. Kev qhuab qhia zoo thiab lwm yam kev kawm hauv zej zog yog tej yam uas yuav tsum muaj kom pab tau thiab txhawb tau kev nyab xeeb rau cov tub ntxhais hluas kom lawv kawm tau qhov zoo thiab ua tau tej yam zoo mus ntev lawm yav tom ntej.

Vim yuav tsum siv kev kaw nruj rau thaum tsim nyog xwb, thiaj li muaj kev yuav tsum tsim lwm txoj kev rau txim rau cov tub ntxhais hluas uas muaj teeb meem tiam sis yuav tsis ua ntxiv lawm. Tseem ceeb heev rau qhov kev ua no tias yuav tsum tsim kom tau lwm txoj kev rau cov tub ntxhais hluas, nrog rau lwm yam kev uas muaj tus saib nruj (xws li cov tsev nyob uas muaj neeg saib kom nruj) rau thaum yuav tsum siv tej qho kev li no.

Cheeb Tsam Ramsey County JDAI yog ib qho kev pab uas yuav txhawb kom txhob muaj kev saib tsis taus thiab tswj kom txhua tus tub ntxhais hluas hauv kev raug txim – tsis hais haiv neeg, hom neeg, pojniam los txiv neej, tebchaws yug, kev nyiam pojniam los txiv neej, kev ntseeg, kev muaj los pluag los sis kev xiam oob khab – kom yeej tau kev ncaj ncees txhua tus.

Khaws cia thiab saib txog cov ntaub ntawv uas tau muaj los ntawm kev kaw tub ntxhais hluas yog peb ib lub hom phiaj kev ua. Tseem ceeb heev rau peb tias tsim tau kev pab txhim kho uas yuav siv tau ntev mus, pom thiab paub txog kev ua tsis ncaj ncees thiab txwv kom txhob muaj kev tsis ncaj ncees rau hauv kev txiav txim.

Qhov kev ua no yuav mus tsis taus yog tias tsis muaj kev pab txhawb los ntawm cov tsev neeg thiab lub zej zog uas yog cov neeg muaj feem cuam los. Kev tswj thiab hais sib nkag siab ua ke yog tus yawm sij rau kev: ua kom qhov kev txiav txim qhuab qhia tshiab no mus taus; txhawb kev hloov mus rau qhov zoo ntawm tub

ntxhais hluas kev coj; thiab tsim kom muaj sijhawm rau tub ntxhais hluas kom lawv muaj kev mus ua tau tej yam dabtsi zoo.